

Afgreitt 19. febr. 2008.

Alþingi
Erindi nr. P 135/1586
komudagur 25. 2. 2008

REGLUR

um aðstoðarmenn formanna stjórnmalaflokka og alþingismanna úr Norðvestur-, Norðaustur- og Suðurlkjördæma.

1. gr.

Formenn stjórnmalaflokka, sem eiga sæti á Alþingi og eru ekki jafnframt ráðherrar, eiga rétt á að ráða sér aðstoðarmann í fullt starf. Um kjör aðstoðarmanns formanns stjórnmalaflokks og starfsaðstöðu fer samkvæmt þessum reglum.

2. gr.

Alþingismenn, sem kjörnir eru í Norðvestur-, Norðaustur- og Suðurlkjördæmum, sem eru ekki jafnframt ráðherrar eða formenn stjórnmalaflokka, sbr. 1. gr., eiga rétt á að ráða sér aðstoðarmann í þriðjungs-starfshlutfalli (33%). Um kjör aðstoðarmanns alþingismanns og starfsaðstöðu fer samkvæmt þessum reglum.

Alþingismenn, sem eiga rétt á að ráða sér aðstoðarmann skv. 1. mgr., geta staðið saman, tveir eða þrír, að ráðningu aðstoðarmanns og hækkar þá starfshlutfall aðstoðarmannsins sem því nemur (67% eða 100%), svo og aðrar greiðslur til hans samkvæmt þessum reglum. Gerður skal einn ráðningarsamningur við aðstoðarmann skv. þessari málsgrein.

3. gr.

Alþingismaður, sem á rétt á að ráða sér aðstoðarmann, gerir skriflegan ráðningarsamning við aðstoðarmanninn. Samningurinn skal vera í þremur eintökum, á formi sem skrifstofa Alþingis lætur í té, undirritaður af alþingismanni og aðstoðarmanni og staðfestur af skrifstofustjóra Alþingis. Heldur hver einu eintaki.

Í ráðningarsamningi skulu vera ákvæði um starfshlutfall, ráðningartíma, uppsagnarfrest og almenn starfsréttindi, svo sem orlof, veikindarétt, tryggingar, lífeyrisgreiðslur o.fl.

Lög nr. 70/1996, um réttindi og skyldur starfsmanna ríkisins, gilda ekki um aðstoðarmenn alþingismanna. Þó skal hafa hliðsjón af 6. gr. laganna um almenn hæfisskilyrði fyrir aðstoðarmenn alþingismanna. Ráðning aðstoðarmanns má fara fram án auglýsingar. Aðstoðarmaður má samhliða gegna öðru starfi.

Gagnkvæmur uppsagnarfrestur er þrír mánuðir, sbr. þó 5. mgr.

Ráðningarsamningur skal ekki gilda lengur en fram að reglulegum kjördegi, en almenn uppsagnarákvæði gilda ef kjörtímabil styttest vegna þingrofs. Ákvæði 5.

gr. laga nr. 139/2003, um hámark tímabundinnar ráðningar, gilda ekki um aðstoðarmenn alþingismanna.

Ráðning fellur niður með almennum uppsagnarfresti ef alþingismaðurinn er kjörinn formaður stjórn málafllokks, sbr. 1. gr., eða er skipaður ráðherra. Sama gildir ef alþingismaður andast, segir af sér þingmennsku, missir kjörgengi eða aðrar breytingar verða á stöðu hans sem þingmanns, þar á meðal ef hann hverfur úr þingflokki.

4. gr.

Alþingismaður ræður störfum aðstoðarmanns og ákveður verkefni hans. Þau skulu vera í þágu hans sem alþingismanns.

5. gr.

Laun aðstoðarmanna alþingismanna fylgja þingfararkaupi og eru ákveðið hlutfall af því. Launin eru heildarlaun fyrir starfið.

Laun aðstoðarmanns formanns stjórn málafllokks er fullt þingfararkaup.

Laun aðstoðarmanns alþingismanns, sem er í þriðjungs-starfi, eru 25% af þingfararkaupi.

Skrifstofa Alþingis annast undirbúning og framkvæmd launagreiðslna og annarra greiðslna samkvæmt reglum þessum og stendur skil á afdregnum launatengdum gjöldum.

Aðstoðarmaður ræður því í hvaða stéttarfélagi hann er, svo og til hvaða lífeyrissjóðs hann greiðir. Tilkynningu um það skal hann senda skrifstofu Alþingis.

6. gr.

Aðstoðarmaður formanns stjórn málafllokks, sbr. 1. gr., skal hafa skrifstofu í húsakynnum Alþingis og njóta almennt sömu þjónustu og réttinda og starfsmenn Alþingis að því er varðar skrifstofuaðstöðu, síma, tölvu, aðgang að mötuneyti, bílastæðum o.fl.

Aðstoðarmaður skv. þessari grein á rétt til farsímastyrks og endurgreiðslu ferðakostnaðar skv. a- og b-lið 7. gr.

7. gr.

Aðstoðarmaður alþingismanns, sbr. 2. gr., fær, auk fastra launa skv. 5. gr., eftirfarandi greiðslur hvern mánuð eða hluta úr mánuði:

a. Greiðslu fyrir ferðakostnaði, að hámarki sem svarar 6.000 km á ári, skv. akstursbók. Endurgreiðslu skv. þessum lið má nýta að hluta til flug- og ferjuferða.

b. Styrk á móti farsímakostnaði, 60 þús. kr. á ári.

c. Greiðslu fyrir öðrum útlögðum rekstrarkostnaði, að hámarki 420 þús. kr. á ári. Útlagður kostnaður verður endurgreiddur samkvæmt framlögðum reikningum eftir nánari reglum sem settar verða.

8. gr.

Aðstoðarmaður alþingismanns, sbr. 2. gr., fær fartölvu að láni frá Alþingi, ef hann óskar, er hann tekur við störfum. Með fartölvunni skal fylgja sami staðalbúnaður og alþingismenn fá. Aðstoðarmaður formanns velur hvort hann hefur borðtölvu eða fartölvu á skrifstofu sinni.

Aðstoðarmaður fær endurgreiddan kostnað við kaup á farsíma í þágu starfs síns, að hámarki 25 þús. kr., er hann tekur við störfum.

Skrifstofa Alþingis greiðir fyrir notkun á fastlínusíma á skrifstofu aðstoðarmanns. Skrifstofa Alþingis ákveður hámark mánaðarlegs símkostnaðar skv. þessari málsgrein og skal tilkynna það aðstoðarmönnum og alþingismönnum.

Aðstoðarmaður á rétt á sömu sérhæfðu þjónustu og alþingismenn fá frá skrifstofu Alþingis, eftir því sem við á, þar á meðal frá upplýsinga- og rannsóknarþjónustu skrifstofunnar, leiðbeiningar um tölvunotkun, aðgang að mötuneyti meðan þeir dveljast í Reykjavík o.s.frv. Skrifstofustjóri sker úr álitamálum sem rísa kunna um þessi efni.

Viðhald og viðgerðir á fartölvum, farsímum og öðrum skrifstofubúnaði, sem aðstoðarmenn hafa, skulu þeir sækja á sinn kostnað.

9. gr.

Alþingismanni er óheimilt að ráða sem aðstoðarmann náíð skyldmenni sitt eða venslamann. Með því er átt við maka, barn, foreldri, tengdabarn, tengdaforeldri eða systkini.

10. gr.

Heimildir alþingismanna samkvæmt reglum þessum falla niður fyrir þá mánuði sem þær eru ekki nýttar.

11. gr.

Ríkisendurskoðun annast eftirlit með framkvæmd greiðslna skv. reglum þessum og endurskoðun á fjárreiðum.

12. gr.

Reglur þessar, sem settar eru með stoð í lögum nr. .../2008, öðlast gildi 1. mars 2008.